



Эски шаҳар «чека»си атрофинда



Икки йил энди ярим ёрти ҳукумат ишлари ўз кўлимизга берилиб келади. Бизнинг учун ўлка масштабинда иш кўрмок (озгина истисно ила) тўғри келмаса ҳам шаҳар, уяз, кишлок ишларимиз ўзимизга топширилди. Икки йилдан бери баъзи жузъий ишларимизни ўзимиз юритиб келамиз. Табиий, илгарирок идораларимиз бошига ўлтурган меҳмонлар тажрибасизликдан идора ишинда ўзларини тута олмаганликдан в...лардан халкни ташвиш остинда колдириб келдилар. Инкилоб тўлкуни босила тушди, сув тинди. Кимни ким эганлиги аниклана бошлаб, иш бошига хакикий халк хизматчилари бўлган номзодларгина ўтқузилди.

Ўтқузулди, аммо айни бир фожиъа каршисига фахмим етди. Бу, ўзимиздан идора ишларини юргузарлик иш кишилари йўқдиги эди. Табиий Некалай истибдоди ила биз идора ишларидан четка кокиб, хайвон каби маишат этмокга мажбур айладик. Аммо инкилобдан сўнг бизга керакли иш кишиларни хозирламок эди. Бунинг кетиши хам бизга сездирар эди. Лекин биз бунга эътибор этмадик. «Бўлар-кетар»да давом этдик, аммо бунинг натижаси бу кун каршимизда гавдаланиб турадир.

Хозир идора ишларимизни юргузмокга кишимиз йўқ, табиий, руслардан кўямиз. Лекин руслар бизнинг тилимизга, урф-одатимизга бутунлай таниш эмас. Ишка русдан хизматчи олсак тил билмайдир, ёнига бир таржимон берай десак, бизда таржимон анконинг тухуми! Мана фожиъа!..

Мен бизнинг идорамиздаги оксовни шу лахзада деб билганлигимдан бу кундан эътиборан иш кишилари хозирлов чораларига киришувли ўз ахлининг ёдига тушуриб ўтаман. Бу кундан бўлак тадбирига киришмасак келажакда мундан хам ёмонрок натижалар беруви кўз олдидадир.

Эски шахар ЧеКаси(ЧеКа — Чрезвычайная комиссия, Фавкулодда Комиссия.) (тергов хайъати) уч-тўрт давр кечириб, бир неча хоинлар кўлинда нохак ўюн бўлган кунлари хам бўлди. Аммо сўнги вақтларда ўзимизнинг муктадири халк ходими(муктадир — фидойи.) бўлган кишиларимизни бу ўрунга кўйдик. Дарвокиъ, бу ўрунга лаёкатли деб билган кишиларимиз хозиргилар бўлиб, булардан бошка лаёкатлигини топмок бизнинг учун гайри мумкин эди. Лекин иш шундог бўлса хам Эски шахар тергов хайъати ўз табиий холинда бора олмайдир. Бунинг сабаби маълум: — иш кишиларимизнинг йўқлиги! Шу якин орада тергов хайъати ўринлашган бинода ёнгин вокиъ бўлиб, бир неча кунлар ЧеКанинг ишлари тўхтамокга мажбур бўлди. Хайъат раиси Эргаш ўрток Нурмухаммад ўгли на учундур бир неча бора хизматдан озод этилувни сўраб истеъфо берди эсада, кабул этилмади шекилли, у хамон истеъфосинда исрор этади.(исрор этмок, — катгик киришмок.)

Эшитилган сўзларга караганда, Эргаш ўртокни юкори доиралар хизматига олинув эхтимол тутилмайдир. Хар холда Эргаш ўрток фидойи халк хизматчиси бўлганлигидан бу ўртокдан фойдали хизматлар кутулса бўладир.

Эргаш ўртокни бу ўрундан олинган такдирда Крайкомнинг лаёкатли кишини таъйин этувига ишонамиз. Аммо илгариги холларнинг такрор этилмови кўзда тутилурга тевиш. Жубой.

1920 йил. 3 март
Абдулла Кодирийдан